

საქართველოს მთავრობის

განკარულება №1164

2016 წლის 17 ივნისი

ქ. თბილისი

ჭიათურის მუნიციპალიტეტის სასარგებლო წიაღისეულის მოპოვების ლიცენზიისაგან გათავისუფლების თაობაზე

1. „სასარგებლო წიაღისეულის მოპოვების ლიცენზიის გაცემის წესისა და პირობების შესახებ დებულების დამტკიცების თაობაზე“ საქართველოს მთავრობის 2005 წლის 11 აგვისტოს №136 დადგენილებით დამტკიცებული დებულების (შემდგომში – დებულება) 7⁴ მუხლის საფუძველზე, სახელმწიფოებრივი და საზოგადოებრივი ინტერესების გათვალისწინებით, ადგილობრივი მნიშვნელობის საავტომობილო გზების სარეაბილიტაციო სამუშაოების განხორციელების მიზნით, ჭიათურის მუნიციპალიტეტი 3 თვის ვადით გათავისუფლდეს ამ განკარგულების დანართით განსაზღვრული სასარგებლო წიაღისეულის მოპოვების ლიცენზიისაგან ჭიათურის მუნიციპალიტეტის ტერიტორიაზე, ამავე დანართით განსაზღვრული X და Y კოორდინატების ფარგლებში.

2. ლიცენზიისაგან გათავისუფლებული პირი – ჭიათურის მუნიციპალიტეტი ვალდებულია:

ა) უზრუნველყოს საქართველოს გარემოსა და ბუნებრივი რესურსების დაცვის სამინისტროს სსიპ – გარემოს ეროვნული სააგენტოს შესაბამისი დასკვნებით (გეოსაინფორმაციო პაკეტი) განსაზღვრული პირობების შესრულება;

ბ) მოპოვებული სასარგებლო წიაღისეული გამოიყენოს მხოლოდ ამ განკარგულების პირველი პუნქტით განსაზღვრული მიზნისათვის;

გ) დებულების 7⁴ მუხლის 2¹ პუნქტის შესაბამისად, სასარგებლო წიაღისეულის მოპოვების ლიცენზიისაგან გათავისუფლებისათვის დადგინდეს განსხვავებული გადასახდელი თანხა და ჭიათურის მუნიციპალიტეტმა, ამ განკარგულების ძალაში შესვლიდან ერთი თვის ვადაში, უზრუნველყოს საქართველოს სახელმწიფო ბიუჯეტში შემდეგი ოდენობის თანხების გადახდა:

გ.ა) ქვედა ჭალოვანის მიმდებარე ტერიტორიაზე – 2000 მ³ ტუფობრექჩიის (ღორღი) მოპოვებისათვის – 400 (ოთხასი) ლარი;

გ.ბ) სოფ. ზედა ჭალოვანის მიმდებარე ტერიტორიაზე – 1200 მ³ ტუფის (ღორღი) მოპოვებისათვის – 240 (ორას ორმოცი) ლარი;

გ.გ) სოფ. რგანის მიმდებარე ტერიტორიაზე – 2000 მ³ კირქვის (ღორღი) მოპოვებისათვის – 400 (ოთხასი) ლარი;

გ.დ) სოფ. მანდაეთის მიმდებარე ტერიტორიაზე – 2000 მ³ კირქვის (ღორღი) მოპოვებისათვის – 400 (ოთხასი) ლარი;

გ.ე) სოფ. ტყემლოვანას მიმდებარე ტერიტორიაზე – 2500 მ³ გრანიტოიდების (ღორღი) მოპოვებისათვის – 500 (ხუთასი) ლარი;

გ.ვ) სოფ. სკინდორის მიმდებარე ტერიტორიაზე – 2100 მ³ კირქვის (ღორღი) მოპოვებისათვის – 420 (ოთხას ოცი) ლარი;

გ.ზ) სოფ. ცხრუკვეთის მიმდებარე ტერიტორიაზე – 500 მ³ კირქვის (ღორღი) მოპოვებისათვის – 100 (ასი) ლარი;

გ.თ) სოფ. მელუშეთის მიმდებარე ტერიტორიაზე – 600 მ³ კირქვის (ღორღი) მოპოვებისათვის – 120 (ას ოცი) ლარი;

გ.ი) სოფ. ქვაცხეს მიმდებარე ტერიტორიაზე – 2000 მ³ კირქვის (ღორღი) მოპოვებისათვის – 400 (ოთხასი) ლარი;

გ.კ) სოფ. მოხოროთუბნის მიმდებარე ტერიტორიაზე – 1500 მ³ ტუფის (ღორღი) მოპოვებისათვის – 300 (სამასი) ლარი;

გ.ლ) სოფ. დარკვეთის მიმდებარე ტერიტორიაზე – 2000 მ³ კირქვის (ღორღი) მოპოვებისათვის – 400 (ოთხასი) ლარი;

გ.მ) სოფ. ხრეთის მიმდებარე ტერიტორიაზე – 2000 მ³ კირქვის (ღორღი) მოპოვებისათვის – 400 (ოთხასი) ლარი.

3. ჭიათურის მუნიციპალიტეტის მიერ ლიცენზიისაგან გათავისუფლების საფუძველზე მოპოვებული სასარგებლო წიაღისეულის მიზნობრივად გამოყენების ზედამხედველობა განახორციელოს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულებამ – გარემოსდაცვითი ზედამხედველობის დეპარტამენტი (შემდგომში – გარემოსდაცვითი ზედამხედველობის დეპარტამენტი).

4. ჭიათურის მუნიციპალიტეტმა, სასარგებლო წიაღისეულის მოპოვების ვადის გასვლიდან 2 კვირის ვადაში, გარემოსდაცვითი ზედამხედველობის დეპარტამენტში წარადგინოს ინფორმაცია მოპოვებული ბუნებრივი რესურსის ოდენობის შესახებ.

პრემიერ-მინისტრი

გიორგი კვიციანი